

Астана қаласында "ТрансЕвразия" көлік-транзит әлеуеті және "Транзит" халықаралық көрмесі бойынша халықаралық конференция ұйымдастыру туралы

Қазақстан Республикасы Үкіметінің 1997 жылғы 6 қазандағы N 1418 Қаулысы

Ескерту. Қаулының тақырыбына өзгерту енгізілді - ҚР Үкіметінің 1999.12.23 № 1965 Қаулысымен.

Қазақстан Республикасының аумағы арқылы өтетін континентаралық және субаймақтық көлік дәліздері бойынша тасымалдауларды ұйымдастыру мәселелерін одан әрі практикалық жүзеге асыру, және қазіргі бар ғылыми және техникалық әлеуетті пайдалану мақсатында Қазақстан Республикасының Үкіметі қаулы етеді:

1. Қазақстан Республикасы Көлік және коммуникациялар министрлігінің "ТрансЕвразия" көлік-транзит әлеуеті жөніндегі халықаралық конференцияны Астана қаласында үш жылда бір рет және "Транзит" халықаралық көрмесін Астана қаласында жыл сайын өткізу туралы ұсынысы қабылдансын.

Ескерту. 1-тармақ жаңа редакцияда - ҚР Үкіметінің 1999.12.23 № 1965 Қаулысымен, өзгерту енгізілді - ҚР Үкіметінің 2010.07.17 № 730 Қаулысымен.

2. "ТрансЕвразия" Қазақстан Республикасының көлік-транзит әлеуеті және "Транзит" халықаралық көрмесі бойынша халықаралық конференцияны әзірлеу және өткізу жөнінде Көлік және коммуникациялар министрлігінің басшылығымен келісім бойынша Қазақстан Республикасы Сыртқы істер министрлігінің, Әділет министрлігінің, Қаржы министрлігінің, Экономика министрлігінің, Энергетика, индустрия және сауда министрлігінің, Білім және ғылым министрлігінің, Мемлекеттік кіріс министрлігі Кеден комитетінің, Астана қаласы әкімі аппаратының, "Қазақстан темір жолы" республикалық мемлекеттік кәсіпорнының және басқа да мемлекеттік ұйымдардың өкілдерінен тұратын ұйымдастыру комитеті құрылсын.

Ескерту. 2-тармаққа өзгерту енгізілді - ҚР Үкіметінің 1999.12.23 № 1965 Қаулысымен.

3. Ұйымдастыру комитетіне:

Астана қаласында одан кейінгі жылдары "ТрансЕвразия" көлік-транзит әлеуеті және "Транзит" халықаралық көрмесі бойынша халықаралық конференцияны әзірлеу және өткізу жөніндегі шаралар жоспарын дайындау және бекіту;

БҰҰ ЭСКАТО, БҰҰ ЭЕК, ЮНКТАД, ОЭС, ОСЖД, ИКАО халықаралық ұйымдармен Орталық-Азия аймағы елдерінің көлік-транзит әлеуетін пайдалана отырып жаңа континентаралық және субаймақтық көлік дәліздерін қалыптастыру жөніндегі ұсыныстарды әзірлеу мен жүзеге асыруда жұмыс комитеттері мен жәрдемдесу ассоциацияларын құру бөлігінде үйлестіру жөніндегі жұмысты Қазақстан

Республикасы Көлік және коммуникациялар министрлігінің "Ақпараттық тұсаукесер орталығы" республикалық мемлекеттік кәсіпорнына жүктеу;

Қазақстан Республикасы арқылы өтетін көлік дәліздерін қалыптастырудың жұмыс комитеттері мен жәрдемдесу ассоциацияларының жұмысына көмек көрсету үшін шетелдік және отандық инвесторларды таратудың мүмкіндігі туралы мәселені қарау;

икемді кеден және тариф саясатының, нормативтік құқықтық базаны жетілдіру принципінде қалыптасатын көлік дәліздері бойынша тасымалдауларға мейлінше қолайлы жағдайлар жасау мен практикалық ұйымдастыру жөніндегі ұсынысты әзірлеу және Қазақстан Республикасының Үкіметіне енгізу тапсырылсын.

Ескерту. 3-тармаққа өзгерту енгізілді - ҚР Үкіметінің 1999.12.23 № 1965 Қ а у л ы с ы м е н .

4. Қазақстан Республикасының Сыртқы істер министрлігі Көлік және коммуникациялар министрлігімен бірлесіп Қазақстанның БҰҰ ЭСКАТО көлік және коммуникациялар жөніндегі комитеттің жұмысына жүйелінегізде қатысуын қамтамасыз етсін.

*Қ а з а қ с т а н Р е с п у б л и к а с ы
П р е м ь е р - М и н и с т р і н і ң*

міндетін атқарушы